



## Publicaziuns dalla vischnaunca, jamna 19

### Lavurs da manteniment Viafier Matterhorn Gotthard (MGB) Tschancun Pass Alpu–Disentis/Mustér

La viafier MGB preveda lavurs da manteniment sin il trassé dalla viafier sin il tschancun naveen dil Pass Alpu entochen Disentis/Mustér.

Per motivs da menaschi e da segirtad vegnan quellas lavurs exequidas la notg.

Las lavurs da manteniment entscheivan ils 14/15 da matg e cuozan entochen ils 13/14 da fenadur 2018, mintgamai dallas 20.00 entochen allas 6.00

Per ulteriur sclariment san ins sevolver tiel responsabel pil manteniment dall'infrastructura dalla viafier MGB, Guido Monn, [guido.monn@mgbahn.ch](mailto:guido.monn@mgbahn.ch).

Bien engraziament per Vossa capientscha.

*Viafier MGB, Guido Monn*

---

### Via d'uaul Runfoppa

Muort lavurs da rumida da lenna derschida e transports da lenna ord in tagl cun helicopter egl uaul da Runfoppa, vegn la via da Runfoppa a restar serrada entochen mardis sera, ils 15 da matg 2018.  
Per pedunzs ei igl access libers sur la via veglia.

*Bien engraziament per la capientscha.  
Uffeci forestal Disentis/Mustér*

---

### Oz en biblioteca!

#### Kino da cudischs da maletgs cun Mats, la miur

Has ti plascher da vegnir en biblioteca e tedlar marvigiusas historias ord cudischs da maletgs?

**Mintga secund venderdis dil meins** allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'autra persuna.

Nus selegrein zun fetg sin tei!

*Mats, la miur  
ed il team della Biblioteca popolară  
Disentis/Mustér e contuorn*

---

### Forum Kloster Disentis

Dr. Felix Liechti, der Leiter der Abteilung Vogelzugforschung der Schweizerischen Vogelwarte Sempach, spricht über das Thema: Himmelhoch und meilenweit mit neuer Technologie den Zugvögeln auf der Spur.

**Dienstag, 8. Mai 2018, 20.30 Uhr Peter-Kaiser-Saal**  
Herzliche Einladung

*Kloster Disentis, P. Urban Affentranger*

---

### Interrupziun dil current electric en la vischnaunca Disentis/Mustér

**en las fracziuns Vitg, Gonda, Dulezi, Latis e Clavaniev**  
l'exposizion vegn purschiu in program da rama



Preziada clientella

Per che Vus sappies era vinavon quintar cun in segir ed intact provediment da forza electrica stuein nus far lavurs d'extensiun e manteniment vid nos indrezs. Ort motivs da segirtad vegnin nus perquei ad interrumpere temporarmein la furnizion d'energia, e quei **mesjamna, ils 23 da matg 2018 naven dallas 23.30 entochen gievgia, ils 24 da matg 2018 allas 2.00**

Nus engraziein per Vossa capientscha.

Amicabels salids  
*Repower, Svizra*

**Stromunterbruch  
in der Gemeinde Disentis/Mustér**

**Fraktion/Quartiere:**

**Vitg, Gonda, Dulezi, Latis und Clavaniev**

Geschätzte Kunden

Als Ihre Netzbetreiberin ist uns eine zuverlässige, sichere und einwandfreie Stromzufuhr bis zu Ihrer Steckdose sehr wichtig. Darum sind von Zeit zu Zeit Erweiterungs- und Instandhaltungsarbeiten an unserem Verteilnetz unerlässlich. Aus Sicherheitsgründen unterbrechen wir dann jeweils während der Arbeiten die Energielieferung. Der nächste Stromunterbruch erfolgt am:

**Mittwoch, 23. Mai 2018, von 23.30 Uhr bis**

**Donnerstag, 24. Mai 2018, 2 Uhr**

Wir danken Ihnen für Ihr Verständnis.

Freundliche Grüsse  
*Repower, Schweiz*

---

**Di dils utschals – Tag der Vögel**

**Excusiun primavauna sur dils utschals  
Sonda, ils 12 da matg 2018**

Cu: 7.00 entochen ca. allas 11.30

Nua: Mutschnengia (parcadi). Sin giavisch ei in viadi communabel naven da Mustér (Salaplauna) ni naven da Curaglia (posta) pusseivel.

Program: excusiun d'utschals; silsuenter solver Prender cun: perspectiv ni telescop, resti tenor aura, calzers da cuolm, enzatgei da beiber e da magliar; cudisch da determinaziun d'utschals (sche avon maun) ed enzatgei da scriver.

Aura: Sch'ei havess da plover fetg ni da neiver, vegn l'excusiun stuschada. Dapli informaziuns: 081 936 48 00 ni [www.agricultura.ch](http://www.agricultura.ch).

Segironza: ei caussa dils participonts

Annunzias: entochen venderdis, ils 11 da matg allas 17.00 sut 081 936 48 00 ni [info@agricultura.ch](mailto:info@agricultura.ch).

---

**Uniun fallun e cascharia Disla/Mustér**

**Sonda, ils 12 da matg 2018** dallas 10.00–18.00 ha puspei liug a Disla/Mustér il di svizzer dils mulins. Quei di vegn mulau, resgiau ed era il talèr vegn mess en funcziun sco era la cascharia ei da contemplar. Ins sa secapescha era gentar tier nus. A tuttas e tuts in cordial beinvegni.

*La suprastanza*



## Corporaziun d'aua Spina da Vin, Disentis/Mustér

Campiunadi mundial da ballapei 2018 en Russia  
**Rimnar – Encurir – Brattar!**

Ti has taccaders da Panini dubels ed auters mauncan aunc a ti? Lu eis ti endretg tier nossa buorsa da brat!  
**Gievgia, ils 17-5-2018, dallas 16.00–17.30** en la Biblioteca populara Disentis/Mustér e contuorn.  
Nus selegrein sin bia rimnaders da Panini!

*Il team dalla biblioteca*

---

## Invitaziun Seniora-CaNorta (star da cumpignia – giugs – raschunar)

### Gievgia, ils 17 da matg 2018

Il liug da sentupada per seniors/senioras, allas 12.15 meisa da miezdi (mira giusut) ni allas 13.45 star da cumpignia, discours, giugs: troccas, jass, sudoku... ni pli tard per ina cuorta sentupada.

### Meisa da miezdi organisada da SENIORA-Ca e PUNTREIS

Entschatta: allas 12.15 en PUNTREIS

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a PUNTREIS, tel. 081 929 56 56.

La meisa da miezdi ei aviarta per mintgin/a.

*Post d'informaziun Seniora-Ca*

---

## Uniun samaritana Mustér

Preziadas commembras, prezai commembres

**Gliendisdis, ils 14 da matg 2018** allas 19.30, s'occupein nus cun ligiaduras e cun la reanimaziun. Persunas che han interess e vulan inagada fuffergnar tier nus ,ein cordialmein envidadas.

A stedia participaziun envida

Uniun samaritana Mustér, menadra tecnic

---

## Tir obligatori 300 m a Sedrun la Resgia

**Gliendisdis Tschuncheismas, ils 21 da matg 2018** allas 17.00–20.00

**Dumengia, ils 19 d'uost 2018,** allas 17.30–18.30

*Cordialmein envida la societad da tir Desertina*